

詞宗評選

微寒詩刊

大西山房書紙像器館發行

序言

折枝吟吾鄉最盛今年春青年會高中學校青高徵詩唱和者頗盛同人繼其後遂有微寒徵詩之舉計分正取二門捐取一十九門捐取遺珠七門已定期發唱矣因戰事影響弗克如願爰徇公意以勘錄發表茲付諸剞劂存其陳迹亦欲使後之人知干戈擾攘中之不廢風雅也是爲序

中華民國十九年六月

榕社同人謹誌



捐取第一門劉波鳴先生評定

元

微火粧成漁市晚許訓勳

寒砧遞到塞門秋

微刪竹葉迎新月程鴻遠

寒嚼梅花續舊詩

微火孤篷煙外艇黃西庵

寒波涼笛酒邊樓

微波帆影蘆邊月夏松

寒舍書聲竹裡燈

微參元理章章妙郭則揆

寒入詩脾字字清

微波洛浦人何在唐敏畏

寒雨吳江客又行

子印 泐藏 師館 建書 圖

442998

微霞出海教天醉陳翼才

寒雨連江任陸沈

微雨楚江人又別黃仰東

寒風易水客空歌

以下副錄

微風晚度離亭笛李鎮

寒月秋哀遠塞砧

微雪笳吹燕市月吳星軒

寒霜楓醉楚江秋

微徑歸牛蓑帶月

寒城飲馬刀敲冰

(1)

正錄

臚

花

眼

寒江下釣衝殘雪
微徑歸樵帶夕陽
寒裡綈袍青眼幾
微時故劍白頭難

以下正監

寒無斗酒酣天地
微有篇詩壯古今
微雲翻笑人情薄
寒雪難消世態炎
寒罄一聲雲外寺
微燈數點水邊村
寒慙未除猶傲骨
微瑕交謫孰完人

微徑雪深僧屐重
寒溪花落客衣香
寒沙萬帳飛戈壁
微雨孤篴出劍門

寒江掛席探晴雪
微徑扶筇撥暮雲
寒葉已霜猶戀樹
微雲欲雨又歸山
寒汀一雁啣秋墜
微徑雙蛩對月鳴
微雨初醒花下酒
寒江獨釣雪中魚

微痕古壁添蝸篆
寒影平沙縮鷺拳

微月小樓人入畫
寒花別徑夢尋詩
寒雲天半催歸鳥
微雨江干送去舟
寒江水急他山雨
微徑花搖隔院風
微烟遠樹時離合
寒月空江獨往來

寒訊早從梅漏洩
微吟私與月商量

以下副監

微軀與菊真同瘦
寒骨於梅老益奇
微光林屋來初月
寒信溪橋動早梅
微念都從花事了
寒愁好借酒卮消
寒瘦駝峯千棧雪
微茫蟹籬一溪煙
寒月多情澄玉宇
微雲何事滓銀河

微月悄從深樹上
寒鐘漸向隔江低

微風月影隨花動
寒夜鐘聲入夢來
微言獨秉千秋筆
寒抱惟存一片冰
微磬一聲雲外杵
寒機千轉雪中燈
寒雨雲迷山寺遠
微波風送渡舟輕
微明青嶂穿烟出
寒夜空江帶月流

寒宵月好無人共
微徑雲深有鳥通
微笑看人過宦海
寒吟容我住名山
寒磬數聲雲外寺
微燈一穗雨中樓
寒風沙漠鵬翎健
微火江汀蟹籬孤
微月難教天不夜
寒梅預報歲將春

微月忽沉驚夜短
寒花不放怨春遲
寒柝關城敲戍月
微燈風雨送歸人

以下正斗

微旨金經參貝葉
寒香玉笛弄梅花
微點蒼苔摩石碣
寒堆黃葉閉山門
寒霜江驛思烹蠺
微雨山塘看種魚
寒雲山徑逢僧話
微雨河橋送客歸

微解閒吟憎險韻
寒思小飲暖愁腸
微波畫舫平湖月
寒雨秋閨半夜砧

寒吟擱筆聽春雪
微醉扶筇看晚山
微旨自超名象外
寒蹤不入市闌中
微掩柴關翻貝葉
寒支竹杖數梅花
寒衣遠戍將安寄
微物貧交莫固辭

寒暄書札無情話
微妙文章有寓言

寒宵倚枕閑聽雨
微月肩琴獨下山
微雨輕隨鷗背落
寒雲嬾逐馬頭飛
微禽向晚喧爭樹
寒雨闌宵靜入池
微風山館孤燈閃
寒月江橋一棹橫

以下副斗

微雲不礙當圓月
寒雨難摧未放花
微波笠影蘆邊棹
寒月機聲竹裏燈
寒齋聽雨披貂坐
微徑尋山捨蹇行
寒雨竟稽春十日
微雲暫翳月三分
寒煙野屋兒歸犢
微雨江亭客下驂
微吟華嶽雲生履
寒臥金焦雪壓篷

微煙疎柳山莊畫
寒雪孤梅野店詩
微俸裕供身外鶴
寒盟羞見水邊鷗
微醉盜來鄰舍酒
寒吟祭及隔年詩
寒天修竹人孤倚
微雨空檐燕對飛
寒族魏齊無上品
微言孔老有遺書
微時飯尙千金報
寒地裘常五月披

寒光出匣鋒初試
微玷能磨璧尙完
微服仲尼過宋阨
寒袍須賈贈睢貧
微霜白帽秋登岱
寒雨烏篷夜渡江
寒雲出岫心常住
微月沉江影不流
寒風皂帽吟重九
微雨烏蓬宿小孤
微祿借償春酒債
寒詩留證故山盟

寒戍鬢鬚摧塞外
微行泥爪印江南
微名過海詩無敵
寒色當門酒可親
寒籟入窓風過竹
微痕上壁月移花
微官歸里風雙袖
寒士移家月一擔
微醉且留明日量
寒交不負故山盟
寒天裘被誰相贈
微徑輪蹄未許過
微徑雲深循磬出
寒江雪好倚篷看

微鐘雲外何年寺
寒柝霜中幾處城
微生多被浮名誤
寒歲方知晚節堅
寒漏聲沈長樂曙
微波影動洞庭秋
寒霜江路肥紅葉
微雨春城漲綠陰
微徑春深花自好
寒齋秋早葉先知
微雲高墜秋林外
寒月孤懸夕嶂前
寒雪中移滄海棹
微烟外見半山樓

微時車笠盟毋負
寒夜機燈課不停
微丹霜葉初秋路
寒綠風漪破曉湖
微月難邀閒客賞
寒花不爲老人開
微明煙艇過危瀨
寒夜霜鐘出遠岑
微草抹煙橫夕崦
寒潮挾雨撼空城
寒雨衙齋蕉捲綠
微風池館藕流馨
微風吹水龍鱗活
寒雪烹茶蟹眼生

微禽知晚先歸樹
寒蝶違時尙抱香
微雨趁人天竺路
寒濤驚夢廣陵舟
寒江送客潯陽夜
微雨懷人渭北天
微雨却緣尋菊冒
寒山都爲愛梅遊
微醉且斟長日酒
寒吟猶憶故鄉梅
寒骨與松爭氣節
微軀和月較精神
寒梅雪後成詩句
微雨村中問酒家

微香滿室蘭生色
寒氣彌天筍出頭
寒窓月落梅無影
微徑風來竹有聲
微雨已饒膏物意
寒泉不作出山聲
寒花自分無真賞
微月何人肯耐看
微吟綺閣花當月
寒臥禪床葉滿山
微草春風蘇淺翠
寒花晚節簇幽香
微月懶從雲裡出
寒花恥向日邊開

微宦輕裝餘短屨
寒儒舊物只青氈
寒色一畦霜後菊
微香十里雪中梅
寒戀重衾圓曉夢
微聞清磬息塵緣
微旭出山人未醒
寒潮帶雨客將歸
微雲過寺尋僧舍
寒雨連江攔客船
微言寄託如滄海
寒夢周旋只故山
微陽無力催花放
寒汐多情送客歸

微响墜床風解籜

寒光入座月移梅

寒夜深時蟲語壁

微風動處鳥移枝

寒月籠烟梅弄影

微風梳雨芰流香

寒檐月墜蜘蛛影

微徑風移蟋蟀聲

微月三更茅店夢

寒冰一片至壺心

微波荷蕩搖雙槳

寒月松廳抱一琴

殿

微波蘆港鷗相逐

寒月松廳鶴未眠

寒日酒壚重把盞

微時詩句已籠紗

寒雪梅香浮隔院

微風麥浪漲平疇

微光閃爍漁舟火

寒影飄搖酒旆風

寒翠竹搖千个字

微芳梅綻一枝春

微月一鉤天外掛

寒鴉幾點日邊歸

寒吟江閣霜初下

微語溪堂月正中

寒雲薄暮方歸岫

微月平明尙在天

微風暗護花香入

寒月輕移竹影過

寒色平山歸畫幘

微芳一路入詩囊

寒愁柳絮隨流水

微笑桃花倚夕陽

微火隔溪方覓路

寒泉繞屋不知門

寒意十分梅競放

微香一縷蝶先知

捐取第二門陳韻珊先生評定

元

微溜積成巖下潤林太古

寒苞鬱盡土中香

寒鳥自飛如獨行陳省吾

眼

微蟲所語亦元音

花

微吹忍禁蟬信病張如香

寒芳死守蝶非癡

臚

寒水明生無月澗田則恒

微煙斜挂欲風林

正錄

微雲晴際如山定張拂潮

寒籟高層作瀑喧

寒風谷口如人嘯陳開震

微月林陰當女窺

寒木插空春未葉侯彬如

微漣養碧夜無風

微露能生千葉潤陳篤慧

寒星自作一江晴

以下副錄

微泐未休前進意余瑰丞

寒蕤自葆後凋姿

寒日屋山鴉舅一陳無競

微風廳事雀兒雙

微雨春明除道緩

寒潮建業打城疲

微烟遠樹時離合
寒月空江獨往來
微雨聲無蕉葉大
寒江色爲蓼花明

以下正監

寒宵坐似滄浪裏
微曙看猶混沌初
寒漪剪取爲晨沐
微火偎依共夜紉
微影周旋千樹月
寒光安頓一樓秋
寒夜火籠兒店集
微晴衣桁女牆齊

寒山庖斂方能靜
微雨功潛不自喧
微埃蔽日俄成暄
寒浸交春漸作波

微雲漏月低層漢
寒日吞烟闊一江
寒日爲誰催短景
微塵先我賦流形
寒風吹水烟開盡
微月生林雨過才
微徑中儲千嶂葉
寒江下浸一天星

微光斗柄猶延夜
寒氣闌干已借秋

微徑草香秋異發
寒塘月氣夕孤流
微曦先放樓台曙
寒月平分海嶽秋
寒雪連朝如麪市
微雲通夕隔銀河
寒水上能蒸沆瀣
微雲中已閉嬋娟

寒雨壁燈如欲睡
微風檻紙亦能吟

以下副監

微霧所憂將晝晦
寒霜可感是冬晴
微笑是爲龕佛旨
寒號絕少桶妻聲
微物中涓宣索盡
寒門上品抗衡難
寒雨空塘沙欲定
微風暗徑葉難喧
微蛩穢壤秋能殺
寒鶴清池我與遊

寒風過院衾如水
微雨飄簷箔有烟

微蟲出竇生天短
寒葉飄巖死所佳
寒句風霜如有鍊
微名塵土不堪揚
寒士食糠無廢讀
微官監酒不求遷
微晴鴉鵲喧前廡
寒漲龜魚占一牀
微霜淮雁先碁起
寒雨塘鷗隔燭眠

微沫嫵隅吹晚雨
寒香澁勒鬱冬巖
寒士借車無可載
微官投綬逕須歸
寒雲杜宇流秋吹
微雨辛夷鬱夕香
寒霜雁語江秋闊
微雨魚漚野水明
微風池館黃昏昧
寒葉山堂永夜聲

微陽井底生新水
寒吹城頭動大星
微木護持如後輩
寒花省對遂平生

以下正斗

微徑入雲前峭壁
寒空流月四澄江
寒雨芳菲應小損
微風埃壒不高揚

微霰已無朝旭望
寒山彌有綠陰思
微波飄槩春湖上
寒葉假燈夜雨中
微泚到溪聲始放
寒雲入地氣猶森
微淥放聲春雨後
寒條借力曉風前

寒流一發皆江表
微翳高翔亦日邊
微雲吹盡山容豁
寒月流過水氣晴
寒泉屋下時流葉
微靄樓頭未掩山
寒月林光疎欲斂
微雲河影斷旋橫

寒天蕃部凝羊渾
微雨皇州浥馬塵
寒簷白日凝冰塊
微簷依雲瀉石淙
微暝山多爭樹鳥
寒冬海有聽冰狐
寒月有聲流大漠
微烟無力掩全湖
寒風振木生蕭槭
微雨連波入窈冥

以下副斗

微螢木末隨風渡
寒蟬莎根向月吟
微雨九衢傳輦出
寒沙萬帳潰圍飛
微漚風善迴魚影
寒麓霜嚴噤鳥聲
微逕如繩通絕巘
寒沙一綫激流澌
寒花池北傷俱晚
微月樓東惜未佳
寒灰或起如初念
微馥還沾及後生

微雨積功回綠葉
寒岑留位待青苔
寒烟影瘦難遮竹
微雪聲疎未透梅
寒花祇落無人徑
微雨猶飛盡日樓
微醉江楓霜尙淺
寒吟籬蟀月初明
寒花南內終難致
微雨西郊亦有需
微功在世官無與
寒事因時老益嫻

微香薝蔔風過院
寒影芙蕖月在湖
微波潋灩春風軟
寒籟刁調夜氣清
微粒綠鸚南國豆
寒枝白鶴聖湖梅
微螢光黯雷塘路
寒蟀聲沉葛嶺秋
寒吟麪市中間立
微醉槽邱左近過
微生安頓幾無所
寒事料量要及時